

Duas giadas aur per il chor incantanti

■ (cr) L'ensemble vocal incantanti ha concertà l'emda passada, fagiond staziun ad Assisi en la provinza taliana da Perugia, nua ch'i han sa produci cun lur program «Turnea da concorrenza» da quest onn. A blers vign ad esser enconuscenta questa citad medievalsco lieu da naschientscha da s. Francestg. Davent dals 18 en fin ils 22 d'avrigl e Assisi stà il center dal Festival da chors internaziunal, intitulà «Voices of Peace» – vuschs da la pasch. En tut èn sa preschentads 13 chors da tuttas parts da l'Europa, sa mesirond en sis categorias per cuntanscher igl me-glier giudicat da la giuria da trais dels.

L'ensemble vocal incantanti è vegnì distinguì cun mintgamai in diplom d'aur per sias producziuns tant en la categoria «chors maschadads da juvenils» sco er en la categoria «musica sacra». Ina meglra qualificaziun ha sulet-tamain contanschi il chor da dunnas svedes Bella Voce, ve-gnend quel da la citad universitara da Lund.

A la fin dal festival è pianavant vegnì distinguì il dirigent *Christian Klucker* cun il premi spezial per «l'excel-lenta lavur musicala». Incantanti ha alura er gi' l'onur da sa preschentar a chaschun dal concert final dal festival. Cun mintgamai ina chanzun da las duas categorias da concorrenza han els alura inchantà l'auditori talian.

A chaschun da l'inscunter suandant cun las cantaduras da Bella Voce han pudì vegnir fatg contacts novs, e gia ch'i vegn scleri l'organisaziun d'in bar-rat da chors per l'onn proxim.



L'ensemble vocal incantanti ad Assisi, nua che lur chant è vegnì distinguì cun dus diploms d'aur.

La participaziun a quest festival ha mussà a chantaduras e chantadurs co ch'ins sa senta da sa preschentar sin tribuna sco victur. Il medem mument èn tuts vegnids cunscients ch'enqual inter-pretaziun pudess anc vegnir megljerada, ed en tge regard ch'igl haja da vegnir la-

vurà per sa preparar dals «European Choir Games» a Riga e da la concorrenza da chors svizzers ad Aarau.

Cun plaschair ha pudì constatar la delegaziun grischuna cun 25 giuvnas e giuvens che nossas chanzuns ruman-tschas han leventà grond interess ed han

commuentà l'auditori en fin a larmas. Incantati porta cun luschezza il bain cultural indigen ora en il mund. Vestgidas e vestgids en costums grischuns dastgani sa partizipar dal concert d'avertura dal European Choir Games da questa stad a Riga.